


Ibuku rĩa Ngai kũrĩ ciana nĩĩrakũrehera

Daudi Mũrĩithi Kamwana



Rwandĩkĩtwo nĩ: Edward Hughes

Rũthathaũrĩtwo nĩ: Lazarus
Alastair Paterson

Rũharĩrĩrio nĩ: Ruth Klassen

Rũtaũrĩtwo nĩ: Stephen Kimani

Rũtungĩtwo nĩ: Bible for Children
www.M1914.org

©2022 Bible for Children, Inc.

Rũtha: Nĩwĩĩkĩrĩtio kuruta kana gucabithia rũgano rũrũ,
angĩkorwo ti rwa kwendia.

Tene mũno, matukũ ma mũthamaki Saũlũ wa Isiraeli,
kahĩ geetagwo Daudi gateithagia Aariũ a nyina
mũgwanja kũreithia mahiũ ma ithe. Onagũkorwo nĩwe
waarĩ mũniini biũ, Daudi aarĩ mwanake waarĩ na hinya
na ũcamba na nĩ endeete na kwĩhoka Ngai. Aikaraga

itũũra ria Bethlehemu.



Hĩndĩ imwe mūrũthi ũgĩtharĩkĩra mahiũ na ũgĩkuua koori ũkarĩe hwaĩĩnĩ. Kahĩĩ Daudi gagĩtharĩkĩra mũtharĩkĩri. Gakĩguucia koori, gakĩnyiita nyamũ ĩyo yararamaga nderu na gakĩmũruga. Daudi akĩmenya atĩ nĩ Ngai wamũteithirie.



3

Samueli, mũnabii wa Ngai, no aarĩ na kĩaha nĩtondu mũthamaki Saũlũ nĩahĩĩrie Ngai ũũru. No Ngai akĩnegenia Samueli akĩmũũria, "Ūgũtũũra ũcakaĩite nĩũndũ wa Saũlũ nginya rĩ? Nĩndĩragũtũma kũrĩ Jesii . . . tondũ nĩndĩgĩrĩire mũthamaki harĩ ciana ciake." Jesii aarĩ ithe wa Daudi.



4

Onagũkorwo Samueli nĩamenyaga atĩ mũthamaki Saũlũ no amũũrage nĩũndũ wa gũthĩĩ gwetha mũthamaki ũngĩ, mũnabii agĩathĩkĩra Ngai.



5

Rĩrĩa Samueli akinyire, Jesii agĩtũma aariũ aake mũgwanja magere mbere ya Samueli. Samueli akĩĩra Jesii, "Mwathani ndanathuura aya." No Daudi, ũrĩa waarĩ mũniini watigarĩite. Aumagarĩitie ng'õndu. Makĩrehe Daudi, nake Mwathani akiuga, "Arahũka, ũmũitĩrĩire maguta; tondũ ũyũ nĩwe."




6

Thĩĩnĩ wa thingira wa Saũlũ, Roho wa Ngai akĩeherera Saũlũ na agĩtuĩka mũndũ watukanĩrwo. Ndongata ciake cigĩĩciria atĩ nyĩmbo njega nocihorerie meeciria ma Saũlũ. Ũmwe waoo nĩĩ kamwana kamwe kahũũraga kĩnanda kĩa mũgeeto wega. No wĩcirie kamwana kau karĩ ũ? Nĩguo, kaarĩ Daudi.




7

Rwĩmbo rwa Daudi nĩrwahoreragia Saũlũ na kũmũteithia eciirie wega. Saũlũ akĩũria Jesii areke Daudi arutagĩre Mũthamaki wĩĩra. Hĩndĩ ciothe Saũlũ anyitwo nĩ mathĩĩna ma meeciria kana guoya, Daudi amũhũũragĩra kĩnanda. Na nĩgĩateithagia.




8

Rĩrĩa Daudi acookire mũcĩ, Saũlũ nĩagĩre na mbaara nene na Afilisti. Aariũ a nyina na Daudi maarĩ a mbũtũ ya Saũlũ. Jesii agĩtũma Daudi athĩ mbarainĩ atwarĩre Aariũ a nyina irio na amenye ũrĩa mahaana.



9

Irimũ INENE ria Afilisti, Goliathu, nĩriamakĩtie mbũtũ cia Isiraeli.




10

Goliathu akĩanĩrĩra, "Thuraai mũndũ ũmwe, ooke haaha ndĩ! Angĩhota kũrũa na nĩ na anjũrage, nĩtũgũtwĩka ndungata cianyu. No ndamũũraga, mũgũtwĩka ndungata ciitũ na mũtũtungate." Arũme othe a Isiraeli, rĩrĩa moonire irimũ rĩu, makĩũra na magĩitigĩra mũno.



11

Daudi akĩra Saũlũ, "Hatikagĩe mũndũ ũgũkua ngoro nĩũndũ wake; ndungata yaaku nĩgũthĩ na ĩrũe na Mũfilisti ũyũ." Saũlũ endaga Daudi ekĩre nguo cia mbaara na akue rũhiu. No Daudi akĩoya kĩgũtha gĩake na tũhiga tũtano tũnyoroku kuuma karũũĩnĩ.



12

Goliathu agĩtheka rĩrĩa oonire kamwana Daudi gatarĩ nginya nguo cia mbaara. Akĩrarama, "Ngũhe nyoni cia rĩerainĩ na nyamũ cia gĩthaka nyama ciaku!" Daudi

agĩcookia, "Ndĩrooka kũrĩ we na rĩitwa ria Mwathani! Ũmũthi MWATHANI nĩagũkũheana mooko inĩ makwa . . . nĩtondu mbaara nĩ ya MWATHANI!"




13

Daudi agĩteng'era kũrĩa Goliathu aarĩ. Rĩrĩa ateng'era, agĩikia ihiga rĩmwe na kĩgũtha gĩake-rĩkĩngĩra thiithi wa Goliathu. Goliathu akĩgũa!




14

Naihenya Daudi akiruta rūhiū rūnene rwa Goliathu na agĩtinia kĩongo gĩake. Rĩrĩa Afilisti moonire Goliathu akua, makĩūra meehonokie.



15

Mũthamaki Saũlũ ndaaririkanire atĩ ũyũ no we Daudi ũrĩa wamũhoreragia na kĩnanda. Agĩtua Daudi mūnene wa mbūtũ ciake-agĩcooka akĩgĩa ũiru rĩrĩa oonire andũ magĩtĩa Daudi. Saũlũ agĩciria, "Nĩ kĩĩ kĩngĩ gĩgĩtigarĩite tiga o mamūtue mũthamaki?" Kuuma hĩndĩ ũyo akĩmũikia riitho.



16

Hĩndĩ ingĩ, Mũthamaki Saũlũ agĩthĩnĩka meeciria. Daudi akĩmũhũrĩra kĩnanda nĩguo ahoorere. Maita matatũ Saũlũ agĩkĩria Daudi itimũ rĩake. No Daudi akĩhonoka maita macio mothe.

Saũlũ agĩtigĩra Daudi, nĩũndũ nĩamenyaga atĩ MWATHANI aarĩ nake, na nĩatigĩite Saũlũ.



17

No Jonathani, mũũrũ wa Saũlũ, eendete Daudi ta mũũrũ wa ithe. Agĩkaania Daudi, "Awa Saũlũ arenda gũkũũraga." Kwoguo Daudi agĩithara. Mũtumia wake agĩkĩra mũhianano ũrĩrĩnĩ wake, na agĩkũrũkia Daudi kuuma ndiricainĩ ũtukũ gatagatĩ. Rĩrĩa andũ a Saũlũ mookire rũciinĩ, Daudi nĩathĩite.



18

Daudi akĩũrĩra kũraihi biũ na Saũlũ. No atanathĩ, we na Jonathani magĩthondeka kĩrĩkanĩro. Makĩĩhĩta atĩ nĩmarĩteithanagia hĩndĩ ciothe. Ũndũ wa kĩa nĩ atĩ arata eerĩ makĩuganĩra ũhoru. Daudi agĩthĩ gwetha handũ agĩikara atarĩ na guoya wa thigari cia Saũlũ kũmuona.



19

Daudi Mũrĩthi Kamwana

Rũgano kuma Kiugoinĩ kĩa Ngai,
kĩrĩa kĩ Ibukuinĩ rĩa Ngai,

rũrĩ thĩinĩ wa

1 Samueli 16-20

"Ciugo Ciaku ciatarĩrio nĩrehaga ũtheri."
Thaburi 119:130

20



19



60

21

Rũgano rũrũ, rũrĩa rumĩte Ibukuinĩ rĩa Ngai,
rũratũmenyithia igũrũ rĩa Ngai witũ wa magegania,
arĩwe ũrĩa watũmbire na ningĩ akenda ũmũmenye.

Ngai nĩoĩ atĩ nĩtwĩkĩte maĩndũ moru, marĩa etaga mehia.
Mũcara wa mehia nĩ gĩkuũ, no Ngai nĩakwendete mũno makĩria
nginya agĩtũma Mũrũ wake wa mũmwe, Jesũ, nĩguo oragwo
mũtharabainĩ na aherithio nĩtondũ wa mehia maku. Nĩacokire
akĩriũka na akĩinũka mũciĩ igũrũ kwa Ngai! Ũngĩtĩkia Jesũ na ũmũrie
akuohere mehia maku, nĩegwĩka ũguo! Nĩegũka na atũre thĩinĩ
waku kuma rĩu, na ningĩ ũgatũrania nake tene na tene.

Ũngĩtĩkia atĩ ũhoro ũyũ nĩ wa ma, ĩra Ngai ũũ:
Mwendwa Jesũ, nĩndefĩkia atĩ wĩ Ngai, na nĩwatũkĩre
mũndũ nĩguo ũkue nĩtondũ wa mehia makwa, na rĩu wĩ muoyo.
Nĩndakũhoya ũũke mũtũrĩreĩnĩ wakwa na ũnjohere mehia makwa,
nĩguo kuma rĩu, ngĩe na muoyo mwerũ, na mũthenya ũmwe ngoka
ndũranie nawe tene na tene. Ndeithia gũgwathĩkagĩra na
gũgũtũrĩra ta mwana waku. Nĩgũtũke ũguo.

Thoma Ibuku rĩa Ngai na waranagĩrie nake o
mũthenya o mũthenya! Johana 3:16

22